

En Josep, vos saludi. Soi Eric Astié, lo professor d'occitan e d'espanhòu de Morgane Courbin. Soi encantat per la resulta de la jornada europèa de las lengas que hestegèm aqeste 26 de seteme. Francament ne i cresèvi pas. Mes en véser lo vòste siti e tot lo tribalh qu'avetz hèit a l'entorn d'aqeste petit balon jaune... soi impressionat.

Cada annada a Vilanèva d'Olt en Olt e Garona (Aquitània) s'organiza l'Escòla Occitana d'Estiu e lo CAOC (comitat d'afraïrament occitano catalan) i participa dab un vintenat d'estagiaris de Catalonha tota. Sabèvi los catalans eficaç, motivats e dinamics mes aquí... soi impressionat. La vòsta meravilhosa reaccion (responsa en catalan, siti web E reconeishença de l'occitan) es per jo un sorelh -coma visetz a vòste-. La premsa locala con.hon enqüera l'occitan dab lo portugués ! Dens lo son darrèr article qui relata lo mandadís de balons au mens. Mes, basta ! I a monde (= gents, personas) generós e intelligents per se ténder la man per dessus las montanhas.

Mercé enqüera, "adishatz monde" vòu díser "bon dia a tots" en occitan-gascon, la lenga qu'ensenhi aus joens liceans de Lengon.

Amistosament, de còr e d'òc. Eric Astié.